

պէսը, Խակեանը, Նարպակ Սիւններ (Նաւակիանի, անտիպ):

ԽԱԶԱՏՈՒՐ ՄԻՍԱՔԵԱՆ, ՊՈԼՍԵՑԻ (Պոլես).— Ծ. 1815ին, որդի Խարբերդցի դերձակ Միսաքի. 1830-36ին մօրը հետ կ'այցելէ Ս. Յակոբի վանքը 40 օրուան փոթորկալից ճամբորդութենէ մը վերջ. Ս. Յակոբի մէջ կը մնայ երկու ամիս, և ուխտը կատարելէ յետոյ կը մեկնի Պոլիս: Ծատ կանուխէն կը սորվի հայերէն ու իտալերէն լեզուները, 1838ին հայերէնի դաստուռ կը կարգուի Սկիւտարի ճեմարանին մէջ, քաջ գրաբարագէտի և իմաստասէրի համբաւ թողած է. 1848ին իբր յիսգօր հսկող Պետրոս Խորասանճեանի երկու որդիները Թովմաս և Միքայէլ ուսման համար տարած է Բարիզ: Բարիզէն աշխատակցած է Մասիսի (1859—60): Խորասանճեանք իր քովէն կ'առնեն իրենց զաւակները և Միսաքեան զրկուելով իր թոշակէն ապրուստի համար կը հեռուի լուսանկարչութեան արհեստին: 1871ին կը դառնայ Պոլիս, և մէկ տարի վերջ Սկիւտարի Ս. Խաչ վարժարանին մէջ հայերէնի և Ֆռանսերէնի դասեր կ'աւանդէ և յետոյ թողլով ուսուցչութիւնը Սկիւտարի մէջ *skrivitzi* մը կեանքը կ'ապրի և կը վախճանի 1891ին: Թողած է ձեռագիր երկասիրութիւններ և ճոխ մատենագարան մը որ կը պահուի Ս. Խաչ վարժարանի կից քարուկիր թանգարանին մէջ (Հիմ Օրեո):

ԽԱԶԱՏՈՒՐ ՎՐԴ. Տ. ԴԱԶԱՐԵԱՆ.— (Տե՛ս էջ 176). Հաւելպի մէջ կը վախճանի 10 տար. 1929ին:

ԽԱԶՈՒԿ ԻՇԽԱՆ ՍԱՀԱՊԻԱՐ.— 1709ին ուխտաւոր Ս. Յակոբի վանքին: Գրիգոր դպիր Մարգուանցիի տպագրած Ազարակեղոսի յիշատակարանին մէջ (տպ. Պոլիս, 1709—1710) կը կարդանք Խաչուկ իշխանի մասին. «Ո՛ր շնորհաց ինձ ք. թեւեան տպագրի մամուլս երկաթեան յոյժ գեղեցիկ՝ միջնորդութեամբ Յովհաննէս վրդ. Լամասիացոյ՝ որ առ իշխանն Խաչուկ Սահապիեար աղան որ հանգեաւ յերուսաղէմ ճանապարհին (տե՛ս նաև Պատմագիրք, էջ է.):

Կ

ԿԱՐԱՊԵՏ ՆՈՒՐԵԱՆ, ՊՈԼՍԵՑԻ.— Ծ. 1878 մայիս 28ին. հայրը Յովհաննէս, մայրը Փարիս. իր նախնական ուսումը ստացած է Պոլիս, Faurի լիսէին մէջ, յետոյ հետեւած է Կալաթա Սա-